

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiariorvm

**Leuren, Peter**

**Coloniæ Agrippinæ, 1704**

106. Quæ conditiones requirantur & iustificantur in & à patrono, ut  
alimenta petere & percipere possit.

---

[urn:nbn:de:hbz:466:1-74485](#)

## Sectio I. Caput I.

*Quæstio 105. Circa alterum ac præcipuum iurius patronatus emolumennum, nimirum perceptionem alimentorum ab ecclesia in vergentia patroni ad inopiam, de quo statuitur c. quicunque. 16. q. 7. qualiter dicta alimenta praestanda?*

**R**espondeo: praestanda sunt in domo propria patrōni, & non in ipsa Ecclesia. Barb. *juris Ecclesiast. l. 3. c. 12. n. 218.* citans Rebuff. *tr. de congreua port. n. 97. Surd. de alimen. tit. 4. q. 14. n. 21.* Secundū: non solum pro eo, sed & uxore, filiis, familiā Barb. *ibid. Surd. loc. cit. q. 18. n. 18.* Grilenzon. *conf. 151 n. 25.* Tertio: *integra, scilicet cibus, potus, vestis, letus, aliisque omnia, quæ sub alimentorum nomine veniunt, si suppetat ad hanc facultas Ecclesia.* Barb. *ibid. Surd. loc. cit. q. 23. n. 12.* Quartū: *praestando ampliora & pinguiora patrono nobili quam ignobili.* Barb. *loc. cit. Surd. cit. q. 18. n. 15.*

*Quæstio 106. Quæ conditiones requirantur & justificanda sint in & à patrono, ut dicta alimenta petere, & percipere possit?*

**R**espondeo: sequentes: primū, dum in dubium vocatur per Ecclesiam seu ejus Rectorem electio & dotatio, utpote ex qua debitum illud proficiat; de hoc prius, summarie tamen cognoscendum & statuendum, et si admittantur leviores & minus concludentes probations. Lott. *l. 2. q. 5. n. 2.*

2. Secundū: ut patronus descendat à fundatore, neque enim ad patronos alios, v.g. qui ex mero privilegio, vel jure pure hæreditario, similiue alio titulo obtinuerit jus patronatus, dictus ille fructus seu jus percipiendi alimenta extenditur: ut constat ex cit. c. quicunque. Lott. *n. 4.* proinde dum de hoc dubitatur, descendencia hanc probanda; pro hoc autem sufficit quasi possessio alicuius juris, quod non possit convenire alteri persona, quam ita defendant, v.g. quasi possessio recipiendi quot annis in die purificationis candelam ab Ecclesia aliqua, dum constaret teneri talem Ecclesiam candelam istam offerre descendantibus à suo fundatore. Lott. *cit. q. 4. n. 5. juncto n. 8.* Et si enim probatio præsumptiva resultans ex hujusmodi quasi possessione non sufficiat pro decidendo principali negotio, nisi probetur aliud antecedens coadjuvans ipsum possessorum, & concurrat juris præsumptio illud approbans, ut ait Bald. *l. 2. conf. 189. n. 3.* apud Lott. *n. 6.* sufficit tamen pro summaria illa cognitione statu personæ in hoc judicio alimentorum. Lott. *ibid. juxta decis. Rotæ.*

3. Tertiū: ut patronus vergat ad inopiam, non quidem accipiendo de hoc nomen *inopia*, ut volunt gl. *in cit. c. quicunque. v. ad inopiam.* Azor. *l. 6. c. 20. q. 3.* Et c. pro egestate summa & arctissimâ paupertate, seu prout inops in rigore dicitur; qui nihil opis habet, ut Jo. And. *ad cit. c. nobis. h. tit. n. 16.* Et egenus, qui nullius rei vel pecunia possessionem habet, ut Cagatus observat. *l. 26. c. 3.* ad differentiam pauperis, qui ita dicitur, quasi parum habens; sed pro paupertate seu egestate simplice, ita ut patronus inspecto suo statu aliquo modo egeat, hoc est, non possit se, uxorem, filios, familiam amplius congrue statui suo sustentare. Pirh. *n. 37.* Barb. *loc. cit. n. 126.* Lott. *n. 24. & 25.* citans Lamb. *l. 3. q. 3. a. 3.* Paul. *de Citadin. de jure patr. p. 6. 4. 4. n. 7.* juxta decis. Rotæ *in una Regien. Prioratus. 1. julii. 1596.* Intellige, ex bonis propriis vel aliunde; puta, ex officio vel opere, quod licite &

honestè exercere posset; Pirh. *loc. cit.* vel ut addit Lott. *n. 27. & seq.* ex recurso ad auxilium necessarium seu amicorum, ed quod inopia, quo verbo utitur textus, non tantum sit referenda ad opus seu divitias, sed & ad opem seu auxilium necessarium, & hæc demum sit egestas illa, cui illuvies seu squalor inest, seu egestas summa, de qua in l. si quis à liberis. ff. de liber. agnosc. citans pro hoc Barrol. *ibid. n. 2.* Surd. *de alimen. tit. 1. q. 54. n. 16.* Adeoque jam probandum tali non tantum, quod ex bonis propriis non possit vivere secundum gradum & conditionem suam, sed etiam, quod pro alimentis hujusmodi consequendis nullum sibi patet juris refugium adversus alios (unde nihil ageret, qui utcumque pauper, haberet fratrem divitem, vel qui esset professus Religionem); à qua consequi possit alimenta. Lott. *n. 35.* juxta decis. Rotæ *454. n. 3. p. 4. recent.*) & quod industria propriâ sibi dicta alimenta comparare nequiret, vel quod hac industria uti nequeat ob adversam valetudinem, aut simile impedimentum corporale; aut quia id repugnat honori suo; id enim absolute non posse intelligimus, quod salvâ dignitate præstare nequimus. *l. nepos. de verb. signif.* Lott. *num. 38.* Porro, cum in arbitrio judicis taxatio illa alimentorum posita sit. Lott. *n. 32. & 39.* Covar. *var. resol. l. 2. c. 6. n. 8.* Menoch. *de arbit. casu 65. n. 9.* Mareschot. *var. resol. l. 2. c. 82. n. 12.* Attentius is nihil considerare debet, quam dignitatem patroni pertinentia alimenta, ut vel secundum ejus intentionem illa taxet, vel eundem rejicit, ut qui ex propria industria viatum sibi quærere possit. Lott. *nu. 40.* Quod judicis arbitrium recte formari poterit ex iis, quæ fūsē Lott. *in n. 41.* de varia populi divisione in nobiles & plebejos: & horum in honestos & viles seu sordidos præclarè disperat; ne ut Lott. *n. 99.* patronus hujusmodi pauper jacturam sua dignitatis & honoris facere cogatur, quod fiet, ubiunque de superiori aliquo gradu in inferiorem, exercendo officium aut ministerium aliquod pro quærendo viatu se indignum, dejicitur: unde etiam limitanda indefinita illa: non est indecorum exercere artem, quam sui majores exercuerunt: ut non procedat, nisi qui rejicit ad hujusmodi artem, sit in eodem gradu & statu, in quo erant sui majores illam exercentes; secus si sit in antiquiori gradu, ita ut ei sit summa verecundia tale exercitum. Lott. *n. 101.* quietiam *n. 102.* ex Roland. *vol. 2. conf. 54. n. 76.* atq; si de exercitio alicuius artis (prout ars diltinguitur ab officio) ageretur, incumberet Ecclesia, jam onus probandi actorem callere hujusmodi artem.

4. Quartū: requiritur, ut justificet dictam inopiam seu lapsum fortunæ contingisse sibi sine sua culpa. Lott. *cit. q. 5. n. 33.* juxta decis. Rot. *in Napolitania alimentorum. 10. Aprilis. 1617.* non estenim pius, ut inquit Covar. *var. resol. l. 2. c. 16. n. 9.* sed forte impium, de rebus Ecclesiæ subvenire his, qui in paupertatem & carcerem ob propria sclera & luxum inciderunt, & ubiunque egestas obtenditur ad excusandum, non distinguitur an contigerit culpâ vel sine eâ, sed ubi obtenditur ad instruendam actionem, ita ut alteri noceat, debet probari cum hac circumstantia; quod contigerit sine culpa. Lott. *cit. n. 33.* citans Bald. *in c. que in Ecclesiæ, de constitut. n. 3.* Tiraq. *in l. si unquam. c. de revocat. donat. v. bona. n. 5.*

5. Denique cum non tenetur Ecclesia alere patronū, nisi ex bonis superfluis, sive ex iis, quæ suppetunt ultra ea, quæ necessaria sunt ad fabricæ & ministrorum sustentationem & cultum divinum: Quippe quibus ante alios ex bonis Ecclesiæ succur-

**s**i debet. Pirk. n. 37. Barb. juris Eccl. l. 3. c. 12. n. 217. citans Abb. in c. nobis. n. 6. Roch. Roland. &c. hæc superfluitas redditum in Ecclesia detractis expensis necessariis pro servitoribus, & aliis necessariis cultui divino necessariò probanda est. Lott. cit. q. 5. n. 18. citans Abb. in c. nobis. n. 6. Butrio ibid. n. 22. Surd. de alien. tit. 7. q. 32. Porro hæc alimenta præstanta ex fructibus seu redditibus ecclesiæ, & nequaquam ad ea præstanta vendendam esse proprietatem, tradit Surd. loc. cit. n. 6. apud Barb. loc. cit. n. 219.

6. Illud hic notandum ex Card. de Luca, in sum. juris patr. n. 137. hujusmodi casus alendorum ab Ecclesia patronorum esse raros in foro & praxi; & eò quod frequentius juspatronatus divitum Ecclesiærum, qua Rectorem suum ac ministros congruè sustentare, ac insuper patrono alimenta præstare valent, ut plurimum esse soleat apud Magnates, & potentes, divitèque; in exiguis autem beneficiis à personis privata fortuna fundari solitis rarus sit casus ejusmodi exuberantia redditum Ecclesiæ.

**Quæstio 107.** An, & quæ actio competat tali in opere patrono ad petenda alimenta?

**1.** Respondeo ad primum: competere ei actionem. Pirk. n. 37. citans Abb. in c. nobis. n. 6. sed latius dictum secundum paulò post dicenda.

2. Respondeo ad secundum: non competere ei actionem ex canonе supra citato, sed potius officium judicis (quod est remedium ad instar actionis, & venire potest latè significatione actionis). Lott. cit. q. 5. n. 17. citans Ulpian. in l. actionis. de actione & obligatione & Richar. in rub. instit. de off. judicis n. 1.) siue peti nequeunt alteri, quam officio judicis. Paul. de Citad. tr. de jure patr. p. 6. a. 4. n. 8. quem citat & sequitur Lott. n. 10. deficiente enim obligatione descriptio l. iur. ff. de procur. Jam verò de his alimentis nulla præexistit obligatio, quamvis enim ea debeat naturali obligatione, id est, antidorali; hæc tamen obligatio est inefficax, & non consideratur tanquam obligatio; sed tanquam ratio quædam sive æquitas naturalis, quæ illud officium judicis promovet. Lott. n. 13. ex Surd. tit. 3. q. 1. n. 10. Nec obstat, quod, ubi æquitas est à lege approbata, competit conditio ex lege; nam ut responderet Surdus n. 19. apud Lott. n. 15. conditio ex lege tunc datur, quando nulla prorsus liberat obligatio, id est, neque civilis, neque naturalis; adeò ut sit prorsus nova; sicut verò ubi præexistebat obligatio naturalis, cum tunc non intelligatur per legem nova aliqua obligatio inducta, sed duaxat excitatum officium judicis pro urgenda ipsa naturali obligatione; qua tametsi non producat actionem de jure civili, impedit tamen reputationem soluti quasi indebiti. Neque contraria sunt Lamb. cit. a. 7. n. 6. & Joan. Andr. in c. nobis. n. 17. cùm solum istis locis ostendant differentiationem inter pauperes alios, quibus subvenire debet Ecclesia ex superfluis, & pauperes patronos, qui insuper ex officio judicis illa alimenta petere possunt. Ita Lott. n. 17.

**Quæstio 108.** Ad quæ requirendus & obtinendus consensus patroni?

**1.** Epond. primò ad alienationem bonorum, seu dotis Ecclesiæ consensus patroni requirendus & adhibendus ex urbanitate & honestate quadam, ut dictum suprà, non autem ex necessitate. Lott. l. 1. q. 11. n. 66. contra Rebuff. de alien. rer. Eccl. n. 90. Quamvis autem illius consensus non

P. Leuren. Fori Benef. Tom. II.

fit necessarius ad validitatem actus, potest tamen se patronus semper opponere, ne res Ecclesiæ dispendatur. Lott. ibid. ex Innoc. ad rub. de jure patron. n. 1. & Anch. conf. 122. n. 5.

2. Secundò ad dismemberationem Ecclesiæ patronatæ non requiritur, nec curatur consensus patr. Lott. l. 1. q. 28. n. 23.

3. Tertiò: si præbendas non ab Episcopo, vel capitulo, sed ab alio fundationem acceperunt, supprimi aut diminui non possunt sine patroni consensu, argumento cap. monasterium. 16. q. 7. Lott. l. 2. q. 8. n. 94. Laym. in c. 9 de constitut. citans Abbat. in c. cùm accesserint de constit. n. 5. & Jo. And. ibid. n. 19. Si tamen necessitas postulet mutationem aliquam instituere in beneficiis, & patronus requisitus consentire nolit, etiam eo in invito diminutio beneficii fieri potest; cùm patronus impide nequeat magnum bonum Ecclesiæ. Laym. ibid. juxta Abb. loc. cit.

4. Quartò: Ecclesiæ alicuius presbyter ob crimen canonice amotus vel depositus postea restituì nequit ab Ordinario sine consensu patroni seu repugnante patrono; partim quia hæc est potius nova institutione, quam juris pristini restitutio; & id est que quodammodo nova patroni præsentatio necessaria; partim, quia vacante beneficio per depositionem, patrono acquiritur jus alium præsentandi, quod jus invito adim non debet. Laym. ad c. quamvis de re script. n. 3.

5. Ecclesia patronata erigi non potest in collegiam absque consensu patroni. Lott. loc. cit. n. 95. citans Jo. And. in c. nobis. h. t. n. 8. Et, si e. & tio hæc fiat, intactum tamen durat juspatronatus in jure præsentandi ad canonicatus. Lott. n. 96. citans Seraph. decis. 1444. n. 11.

6. Sextò: non potest Episcopus Ecclesiæ vel beneficium patronatum concedere in proprietatem per modum incorporationis alteri Ecclesiæ seu beneficio, vel etiam unire, aut ex redditibus Ecclesiæ in alia ecclesia præbendas seu beneficia erigere sine consensu patroni, sive ecclesiastici, sive laici; nec etiam sufficit ad hoc solum consilium patroni; cùm id cedat in prejudicium patroni; utpote qui per talen incorporationem aut unionem amittit jus præsentandi. Pirk. loc. cit. n. 122. c. monasterium. 16. q. 7 ubi gl. in c. suggestione, h. t. & ibi Abb. n. 1. Rebuff. in præx. benef. tit. de unionibus. n. 28. Azor. p. 2. l. 6. c. 28. q. 12. Garc. p. 12. c. 2. Laym. theol. moral. l. 4. tr. 2. c. 3. n. 12. coroll. 2. & licet juspatr. non amittat, quod ad illas præbendas ex redditibus beneficii patronati de novo eretas (potest enim ad illas præsentare) interest tamen patroni, ut redditus beneficii patronati sibi subjecti non alienentur, uniantur, aut supprimantur; & hinc se opponere potest istis novis erectionibus. Pirk. n. 123. citans Abb. ubi ante num. 3. potest ramen, ut dictum paulò ante, etiam contradicente patrono, Episcopus urgente necessitate talem redditum translationem facere, quin & ad utilitatem eiusdem Ecclesiæ patronatæ applicare, erigendo v. g. in ea novum beneficium; cùm enim juspatr. sic ipsi concessionem ab Ecclesia ex gratia, & non ex absoluto debito, non potest impedire, quod minus subveniatur magna illius aut necessitatì aut utilitati. Quin & nullum creatur præjudicium patrono; dum jus præsentandi manet ei integrum, & quia tota ordinatio & dispositio circa bona Ecclesiæ non ad patronum, sed episcopum spectat, non debet patronus se immiscere, nisi appareat, iura & bona Ecclesiæ patronatæ alienari, perdi, imminui, vel in alium finem, usum, locum, personam contra in-